

24958 必更發達。故此項稅則。必須修改。於本國稅源商況。兩有裨利云。

●任命李鴻祥署雲南民政長羅普署廣東實業司長

同 十六日

●任命錢能訓為內務次長吳炳湘為京師警察廳總監

外國大事記

民國 九月一日

●和蘭內閣更迭……和蘭自由黨領袖林田氏。新任內閣議長。組織新內閣。以魯屯氏任外交大臣。

●巴拿馬運河竣工……巴拿馬運河間土壩。本日用炸藥轟去。大工業已完竣。

同 二日

●土耳其進軍……土耳其軍隊。依然向馬利太河前進。現已占領棧谿。

●保使如土……保加利亞使其將沙阿甫及脫堆克兩人。往土京君士坦丁堡議訂新約。

●美人去墨……旅墨美人相約歸國。從大總統之警告也。

同 三日

●任命王治馨為順天府尹

●蒙古哲盟科爾沁國公那遜阿爾畢吉呼歸誠……那前領附庫倫。頗為活佛所信用。現率其部下軍隊來京歸順。政府當封以郡王。以示激勸。

●土艦進水……土耳其戰艦列斯亞第斯號。在保羅造船所進水。艦之噸數為二萬三千噸。備十三吋半之巨礮十門。

●愛爾蘭雇主與雇工之相持……英國愛爾蘭都伯林雇主四百家。聯合反對雇工。決議對於反抗雇主之工人。一律解除。永不雇用。

同 四日

●葡前皇成婚……葡萄牙廢皇。本日與和漢瑣倫之女親王結婚。英國親王及德國皇族等。均蒞場觀禮。

同 五日

●英國工黨大會……英國工黨在罕瑪斯密開聯合大會。凡電工漆工麵包工鐵道工等之代表。均蒞會演說。決議要求雇主必用工黨之工人。否則當同盟罷工以為挾制。

●保希衝突……保加利亞希臘兩國軍隊。戰於突來斯。

同 七日

●希臘王至德……希臘王及其王后至德。德皇燕之。並贈以元帥之杖。希王避席致詞。謂此次希軍之戰捷。盡出貴國之賜。以寡人及敵國之將校。皆嘗習軍略於貴國者也。是日賓主盡歡而散。

●俄土激戰……土耳其之克爾德族。侵入俄國領土。俄土兩軍遂激戰於邊境。土將旋謝罪於俄師。

同 八日

●希臘之退讓……保加利亞將與土耳其聯盟。希臘願退讓於土以阻之。

同 九日

●希使謝法……法人以希臘王之讚美德國也。頗為嫉怒。駐法希使致謝於法。謂希王之頌德。交鄰國之通禮。非敢有異志也。法怒未解。

同 十五日

●英國罷業之蔓延……英國愛爾蘭都柏林罷業。貿易停止。工黨首領加諾利被捕下獄。九日不食。遂釋之。大匠之入黨同盟罷業者。又有五千人。利物浦鐵道員應之。罷業者亦千六百人。

同 十七日

24959 ●土保和約成立……土耳其與保加利亞議和條約告成。土耳其仍保有馬利太河軍略之地位。台馬加、泰爾諾瓦、及瑪斯太歸

保。亞德里亞那堡、幾爾克、鳩伊斯、歸土。並各歸其俘敵。

同 十八日

●摩人大敗西軍……摩洛哥土人。與西班牙軍戰於修太。西班牙軍敗績。

同 十九日

●希臘王至法……希臘王至法。會法總統於巴黎。

同 二十日

●亞爾巴尼亞之戰爭……亞爾巴尼亞人因其北境割讓於塞爾維亞及門的內哥羅。屢與兩國激戰。塞人增兵其地。以防侵略。並請列國出而阻止。

●俄國外相遠遊……俄國外務大臣薩紹諾夫。將徧遊歐洲列國首都。先至奧京維也納。

同 二十一日

●羅馬尼亞大臣至義大利……羅馬尼亞大臣喬尼斯克至義。會其外務大臣於羅馬。謀親義也。

●愛爾蘭罷業工人暴動……英國愛爾蘭罷業男女工二萬五千人。聚眾暴動。襲擊市中電車。傷者四十一人。惟利物浦工人現已復業。

●希法元首交歡……法總統宴希王於宮中。希王謝罪。並謂永事法國。無有貳心。

同 二十二日

●英國觀兵……英國陸軍會操。英皇臨觀。軍容極盛。是日並

24960

演習空中戰鬪。

●亞爾巴尼亞之亂……亞爾巴尼亞國內無主。愛撒德自稱總督。與臨時政府斷絕關係。國人北與塞爾維亞、西與馬其頓、南與希臘戰。險隘被奪於塞軍者頗多。

同 二十四日

●義奧通告塞耳維亞……塞爾維亞對於亞爾巴尼亞。已發動員令。義奧兩國聯合通告塞國。要求遵守倫敦條約所定之境界。

同 二十五日

●土兵侵保……土耳其之叛兵。入保加利亞村落。大肆焚掠。保民遁者二千人。

●英國觀兵於地中海……英國調集海軍會操於地中海。軍容之盛。為自昔所未有。

同 二十六日

●英愛爾蘭于斯德州人反對自治運動……愛爾蘭于斯德州人。竭力反對自治。特組織參謀本部。推樞密顧問官嘉森為長。擬俟自治案通過議院。即在該州組織政府。為聯合王國之獨立國。

同 二十七日

●希臘要求再開和議……希臘因土耳其與保加利亞締結和約。恐於希臘不利。要求與土再開和議。土政府允俟與保加利亞簽約以後。即當照行。

●希王至英……希王抵英。偕駐英希使見英外交大臣於外交部。

●葡萄牙防範王黨……葡萄牙政府。在本國北部發露王黨之陰

謀。因通告西班牙政府。要求禁止王黨竄入該國。

同 二十八日

●土保和約簽字……土耳其與保加利亞之平和條約。本日在土京君士坦丁堡簽字。

●希土又起紛爭……土耳其叛兵屢侵入希臘境內。希臘首相因希王在英。請速歸國拒敵。蓋慮土保聯合迫希臘承認土耳其在愛琴海諸島之主權。並疑亞爾巴尼亞之亂。為土所使。欲令分

塞耳維亞兵力。令不能助希。希臘內閣。決議調集軍隊於小亞細亞沿岸。與土耳其對峙。

同 二十九日

●希臘外患之迫……土耳其政府。要求希臘交還幾阿斯並米幾列尼兩島。為議和條件。並已調集軍隊謀攻薩羅尼加。塞爾維亞因為亞爾巴尼亞牽制。不能援助希臘。故希臘所處地位。極為困迫。

同 三十日

●希王歸國……希王因巴爾幹形勢日迫。急自英起程返國。

●墨西哥之內亂……墨西哥官軍與憲政軍連日大戰。死傷頗衆。